

gelizaret, convenerunt ad eum Principes Sacerdotum, & Scribæ, & Seniores, & dicunt ei: Quis tibi dedit hanc potestatem, ut ista facias? Iesus respondens, petit ab ipsis: An baptismus Ioannis de coelo esset, an ex hominibus: ipsisque non respondere volentibus, & tandem se nescire dicentibus dixit & ipse: neque ego dico vobis in qua potestate hæc facio. Matth. 21. v. 23... 27. Marc. 11. v. 27... 33. Luc. 20. v. 1... 8.

De duobus filiis, quorum alter & qui obedientiam recusat respiciens mandatum peregit: alter & qui obedientiam promiserat, facere neglexit, & statim subiungit: quia publicani & meretrices præcedent vos Sacerdotum Principes & Seniores populi in regno Dei. Matth. 21. v. 28. 31.

Statimque dat Parabolas de homine filios duos habente, qui dissimiliter patri obtemperarunt. Matth. 21. vers. 28... 32. de Patrefamilias, cujus vinitores Iudæi alios atque alios servos, (Prophetas) tum & filium (Christum) vineæ hæredem occiderunt. Matth. 21. v. 33... 44. Marc. 12. v. 1... 9. de Nuptiis quas filio suo fecit Rex, in quibus qui sine veste nuptiali venerat, ejicitur in tenebras exteriores. Matth. 22. vers. 1... 24. Luc. 14. vers. 16... 23.

*I. C. cum Iudæi eum perdere vellent, tentatur à Phariseis: an census dandus sit Cæsari; A Sadducæis. an mortui resurrecturi essent. A Legisperitis: quod maximum esset totius legis mandatum.*

CXXX. Tunc abeuntes Pharisei consilium iniierunt, ut caperent eum in sermone: & mittunt ei discipulos suos cum Herodianis, dicentes: Scimus quia verax es, & viam Dei in veritate doces. Dic ergo nobis quid tibi videtur, licet censum dare Cæsari, an non? cognita autem Iesus nequitia eorum, ait: Ostendite mihi numisma census, at illi obtulerunt ei denarium; & ait illis Iesus: Cujus est imago hæc, & subscriptio? dicunt ei: Cæsaris, tunc ait illis: reddite ergo, quæ sunt Cæsaris, Cæsari. & quæ sunt Dei, Deo: & audientes mirati sunt, & relicto eo abierunt. Matth. 22. v. 15... 22. Marc. 12. v. 13... 17. Luc. 20. v. 19... 26.

In illo die accesserunt ad eum Sadducæi, qui dicunt non esse resurrectionem, & interrogaverunt eum de muliere, quæ septem fratres alium post alium maritos habuerit, cujus ex illis septem uxor erit in resurrectione. Respondit Iesus: eos qui resurrecturi sunt neque nubere, neque nubere, æqualesque fore Angelis, qui in cælis sunt. Probat etiam ex Mose Deum dixisse se esse Deum Abraham, Deum Isaac, & Deum Iacob; Deum autem non esse Deum mortuorum, sed vivorum. Matth. 22. vers. 23... 33. Marc. 12. vers. 18... 27. Luc. 20. vers. 27... 38.

Pharisei silentio Sadducæis imposito convenerunt in unum, & interrogavit eum unus Legis-doctor tentans eum: Magister, quod est mandatum magnum in lege? Ait illi Iesus: Diliges Dominum Deum tuum ex toto corde tuo, & ex tota anima tua, & ex tota mente tua. Hoc est maximum, & primum manda-

tum. Secundum autem simile huic: Diliges proximum tuum, sicut teipsum, in his duobus mandatis universa Lex pendet & Prophetæ. Matth. 22. vers. 34... 40. Marc. 12. vers. 28... 31. & tandem interrogat eos Iesus, petitque quid putent de Christo, & cujus filius sit, cumque dixissent David; probat ipse ex Davide Davidem non fuisse Christum. Matth. 22. vers. 41... 45. Marc. 12. vers. 35... 37. Luc. 20. vers. 41... 45. deinde demonstrat Scribas & Phariseos audiendos, non imitandos.

*I. C. vespere egressus è templo secedit, pernoctatque in monte Oliveti.*

Erat autem diebus docens in templo, noctibus vero exiens morabatur in monte Oliveti. Luc. 21. vers. 37. CXXXI.

*I. C. regreditur templum, ubi pauperculæ viduæ munus antepont aliorum omnium muneribus.*

Et sedens Iesus contra Gazophylacium, aspiciebat quomodo turba jactaret æs in Gazophylacium: & multi divites jactabant multa: cum venisset autem vidua una pauper, misit duo minuta, quod est quadrans, & convocans Discipulos suos, ait illis: Amen dico vobis, quoniam vidua hæc pauper plus omnibus misit, qui miserunt in Gazophylacium. Omnes enim illi, (divites) ex eo quod abundabat illis, miserunt; hæc vero de penuria sua totum victum suum, quem habuit, misit. Marc. 12. vers. 41... 44. Luc. 21. vers. 1... 4. CXXXII.

*I. C. egressus è templo, Discipulis magnificam ejus structuram ostendentibus, prædicit id funditus destructum iri.*

Et cum egredieretur Iesus è templo, accesserunt Discipuli ejus, ut ostenderent illi magnificam templi structuram. Ipse respondens, dixit illis: Videtis hæc omnia? Amen dico vobis, venient dies, in quibus non relinquetur hic lapis super lapidem, qui non destruat. Matth. 24. vers. 1. 2. Marc. 13. vers. 1. 2. Luc. 21. vers. 5. CXXXIII.

*I. C. redit ad montem Oliveti, & multa prædicit.*

In quo sedens prædicit Discipulis varias persecutiones in ipsos eventuras, ipsam urbem obsidendam & evertendam, in loco sancto abominationem fore, & ante ultimum sui adventum multos pseudo-Christos, & pseudo-Prophetas venturos: & signa fore in Sole & Luna, ideoque vigilandum; datque exemplum decem Virginum, quarum alix fatuæ, alix prudentes: exemplo talentorum pluribus distributorum servis, quorum merita rediens Dominus compensavit, aut puniit: & tandem Iesus subiicit: se post biduum in Palschate crucifigendum. Matth. capitibus. 24. 25. & 26. Marc. 13. vers. 14. Luc. 21. v. 25. CXXXIV.

*In I. Christum conspiratio Sacerdotum.*

Appropinquavit dies Festus Azimorum, qui dicitur.